



رقم الإيداع

٢٠١٠/١٥٥٣٥

دار النعيم

للنشر والتوزيع

٠١٠٠٣٤١٨٧٨٤

للتواصل مع د/ مصطفى زايد

٠١١١٩٦٤٤١٣٣

<http://facebook.com/Dr.Mostafa.Zayed>

فكيها شوية

٣ مقدمة ♥

٨ مش هيهمني الناس! ♥

١٨ رضا الله قبل كل شئ ♥

٣٣ الدين يسر!! ♥

٤١ هتضحكي على مين؟؟ ♥

٥٠ أحوال الناس!! ♥

٥٦ فكيها شوية ♥

٥٩ توصيات ♥

- جمع وترتيب -

د / مصطفى إبراهيم زايد



مقدمة

● الإنسان كانن حي .. اجتماعي بطبعه .. يعيش ويتعايش .. يؤثر ويتأثر .. ربنا سبحانه وتعالى خلقه في مجتمع علشان يتعامل مع غيره ولم يخلقه وحيداً معزولاً .. وأي إنسان في حياته اليومية بيمر بمواقف كتير بتحتاج لقرارات مهمة .. وطبعاً كلام الناس ونظرتهم وانطباعاتهم وآرائهم بيلعبوا دور كبير جداً في اتخاذ القرارات دي ..

« وأحياناً بيكون كلام الناس ورأيهم صح وبيصّب في مصلحة الإنسان ، وأحيان أخرى بيكون خطأ وبيتسبب في ضرر له ويرجع يندم في النهاية !»

« لكن المشكلة الكبرى بجد لما يكون الانسان قدام قرار مصيري هيتوقف عليه مسار حياته فيما بعد ، ويكون عارف الصح كويس أوي ، ومع ذلك يلتفت لكلام الناس ويتعطل عن اتخاذ القرار المصيري ده !!

« والكارثة بقي لو تيقن إن كلام الناس غلط ومش في مصلحته ، ومع ذلك يقوم راكن الصح على جنب ، ويبدأ يمشي ورا كلام الناس !! وكل ده بحجة إنه مينفعش يزعل الناس منه وإنه مينفعش يعيش لوحده !!

« ومن بعد انتشار الدعوة بفضل الله في الفترة الأخيرة ، بنات كتير جداً قررت التوبة إلى الله وترك كل ما يغضب الله وتغيير لبسها وحياتها كلها وجعلها في رضا الله عزّ وجلّ .. ولكن طبعاً الشيطان مش هيسبب أي إنسان عايز يقرب من ربنا في حاله، ولازم يحط قدامه عقبات وعراقيل في طريقه لربنا عزّ وجلّ .

« ومن أهم العقبات دي والتي معظم الشباب بيشتكوا منها في بداية التزامهم ؛ مشكلة :

« " كلام الناس " »

« وعلشان كده ، بإذن الله هنتكلم في الكتيب ده عن المشكلة الكبيرة جداً اللي اسمها (كلام الناس)



« تخيلوا معايا لو إنسان رفض وظيفة حلال مرتبها مليون جنيهه علشان الناس مش عاجبهم الوظيفة وهيتريقوا ويسخروا منه ومن وظيفته؟؟
→ يا ترى ده يبقى انسان عاقل؟؟؟

« في منظور الناس ده مش عاقل أبداً!!!!!!
 إزاي حد يسيب وظيفة بمليون جنيهه حتى لو الكون كله هيقوله ارفضها ويتريق ويسخر منه!؟

« طيب تخيلوا إنسان يبيع الجنة ويودي نفسه جهنم علشان كلام الناس! **ده يتقال عليه إيه؟؟؟**

« المعنى اللي عايز أوصلهكم إن مهما كان كلام الناس سواء مدح أو ذم أو آراء أو تعليقات ، فطالما **هيتعارض مع تحقيق أهدافك** وأهمها طبعاً هو رضا الله سبحانه وتعالى .. طالما **هيتعارض مع دينك ومبادئك وأخلاقك** .. طالما **إنت عارف الصح كويس وواثق منه** ، **اضرب بكلام الناس عرض الحائط وإوعى تلفت له ولو لحظة واحدة علشان ميعطلكش ..**



« تعالوا نأصل المشكلة من البداية ..
 - أجداننا كانوا بيقولوا في الأمثال :

(كلام الناس لا يقدر ولا يآخر !!)

« ولكن للأسف ، الواضح دلوقتي إن كلام الناس بقى يأخر جامد أووووي !! بل وبقي يتسبب في ضياع أشخاص ، بل أسر ومجتمعات بأكملها !!

« **وبرده كانوا بيقولوا في الأمثال :**

(كلام الناس لا بيدخل جنة ولا نار !)

« ولكن الواقع يقول إن كلام الناس بقى إما سبب في دخول الجنة أو والعياذ بالله دخول النار !!!
 « آه زي ما قولنا إن الإنسان اجتماعي بطبعه .. وكلنا متفقين إن إحنا مش هنعيش لوحدهنا .. وهنعيش مع الناس ونتعايش معاهم .. فجميل جداً إننا نسمع لآراء ومقترحات وتعليقات الناس اللي بنتق فيهم ، ولكن لازم يكون القرار الأول والأخير هو **اللي إنت مقتنع به** ، **مش اللي الناس مقتنعة به !!**



« **والانسان ده** كل يوم هتلاقيه برأي وشكل ولون مختلف !! لأنه مش عارف هو عايز إيه إيه؟؟؟ هو ماشي ورا الناس وخلاص ومش خايف إلا منهم ولا همّه إلا رضاهم !!

« **ولو تأملنا في كتاب ربنا** ، هنلاقي إن ربنا أمرنا إننا نخاف منه هو بس ، ومنخافش من الناس ولا كلامهم ولا مناصبهم ولا سلطانهم ..
قال الله تعالى :

(وَتَخْشَى النَّاسَ وَاللَّهُ أَحَقُّ أَنْ تَخْشَاهُ)

الأحزاب: ٣٧

« **وقال تعالى :**

(أَلْتَحْشَوْنَهُمْ قَالَهُ اللَّهُ أَحَقُّ أَنْ تَخْشَوْهُ إِنْ كُنْتُمْ

مُؤْمِنِينَ) التوبة: ١٣

« **وقال تعالى :**

(فَلَا تَخْشَوُا النَّاسَ وَاخْشَوْنِ) المائدة: ٤٤



« **وفعلأزي ما الحكمة بتقول :**

« (من راقب الناس ، مات همماً)

« عارفين ليه هيموت من الهم والحسرة؟؟؟؟ لأنه في كل حركة وكل سكنة في حياته هيقعد يسأل نفسه ، يا ترى الناس هيقولوا عليا إيه؟؟؟ لو لبست كذا هيبقى رأيهم إيه؟؟؟ ولو أكلت كذا هيبقى رأيهم إيه؟؟؟ ولو اتكلمت بكذا هيقولوا عني إيه؟؟؟ وهكذا !!

« **وعلشان كده هقولك من البداية يا أختي :**

« **ملكيش دعوة بكلام الناس طالما إنتي صح ..**

« **وزي ما بيقولوا : (واثق الخطوة يمشي ملكاً)**

« **خليكي دائماً واثقة من نفسك ومن تصرفاتك**

« **بغض النظر عن كلام الناس ونظراتهم !!**

« **يا أختي** ، اللي بيخاف من الناس وكلامهم ده

« **شخصيته ضعيفة .. بل الناس نفسهم هما اللي**

« **بيقولوا إن اللي بيخاف من كلام الناس ملهوش**

« **شخصية أصلاً !**



﴿ طيب أنا ليه ذكرت الأمثلة الكتيبيير دي وكلام البنات اللي فات ده كله ؟؟؟؟ ﴾

- ① علشان تفكيها شوية وتضحكي من قلبك : ((..
- ② علشان تعرفي إن لو اتقالك أي كلام فهو بعض من كل من الكلام اللي بيتقال لكل بنت بتحاول تلتزم ..
- ③ علشان نحاول نرد على الكلام ده كله بإذن الله

﴿ أولاً .. ﴾

لازم تعرفي يا أختي إن الناس مش وراهم حاجة غير الكلام .. وشياطين الإنس اللي مش هيبلاقوا في أيديهم حاجة يعملوها علشان يعطلوكي عن طريق ربنا مش هيبطلوا كلام وتريفة واستهزاء قال الله :

﴿ وَكَذَلِكَ جَعَلْنَا لِكُلِّ نَبِيٍّ عَدُوًّا شَيَاطِينَ الْإِنْسِ وَالْجِنِّ يُوحِي بَعْضُهُمْ إِلَى بَعْضٍ زُخْرَفَ الْقَوْلِ غُرُورًا وَلَوْ شَاءَ رَبُّكَ مَا فَعَلُوهُ فَذَرْهُمْ وَمَا يَفْتَرُونَ ﴾ (الأنعام: ١١٢)



﴿ وبنت بتقول : ﴾

لما لبست النقاب بقوا يخوفوا بيا العيال الصغيرة ويقولولهم إني "عووو" !
وناس قائلتي على الاسدال إيه الخيمة اللي إنتي لابساها دي؟؟؟!!
وناس قالوا لبستي الشوال ده امتي؟؟؟؟؟
وناس قالوا أهلا بالليل الحالك !!
وواحد قال إنتي عاملة زي "البطريق" بالبتاع ده !!!!

﴿ وبنت بتقول : ﴾

لما لبست الخمار الكل بقى يتريق عليا ويقول ابن لادن !! شيخ الغفر !!! حضرة الشاويش عطية !!! إنتي بقيتي مدام واحنا مش عارفين ؟؟؟ أصل ده ليس المدامات والحوامل !! يا أبله فضيلة !! يا ماما فلانة !! يا ست الحاجة !!! بركاتك يا خالة !! هنبقى نتمسح فيكي ولما تدخل الجنه مدخليناش معاكى يا مولانا !! وكلام ينرفز الصراحة !!



☑ وقال الله حكاية عن سيدنا نوح :

﴿ وَيَصْنَعُ الْفُلْكَ وَكُلَّمَا مَرَّ عَلَيْهِ مَلَأَ مِنْ قَوْمِهِ سَخِرُوا مِنْهُ قَالَ إِنْ تَسْخَرُوا مِنَّا فَإِنَّا نَسْخَرُ مِنْكُمْ كَمَا تَسْخَرُونَ ﴾ (هود: ٣٨)

﴿ شوقتي ثقة سيدنا نوح ، بيقولهم اسخروا زي ما تحبوا ، بكرة هتشفوا مين اللي هيسخر من التاني !

﴿ فأننا عايزك تسيبي اللي عايز يتريق ، يتريق براحتة ، واللي عايز يضحك ويسخر منك يسخر ويضحك براحتة ، المهم مين اللي هيضحك في الآخر ؟؟؟ ﴾

مش الناس هما اللي بيقولوا كده في الأمثال :

﴿ (الشاطر اللي يضحك في الآخر) ﴾

☑ واحنا ربنا سبحانه وتعالى وعدنا وأخبرنا إن المؤمنين اللي صبروا وثبتوا هما اللي هيضكوا في الآخر .. مش عايزة تبقي منهم ؟؟؟؟



﴿ ولو لاحظنا هنلاقي ربنا في الآية ذكر شياطين الإنس قبل الجن !!!
أصل شياطين الإنس أخطر من شياطين الجن .. لأن شياطين الجن أول ما تستعذي بالله أو تذكري الله ، بيهربوا وينصرفوا ، إنما شياطين الإنس لو قررتي عليهم القرآن كله برده مش هيسيبوكي !! يعني لازقين لازقين :)) !!!

﴿ ثانياً .. ﴾

لازم تعرفي إن الاستهزاء بالمؤمنن سنة من سنن ربنا في الأرض .. أبوه .. والأنبياء تم الاستهزاء بهم والسخرية منهم من أقوامهم ، ولكنهم صبروا وتحملوا الأذى في سبيل الله .. قال الله :

﴿ لَتَبْلُؤُنَّ فِي أَمْوَالِكُمْ وَأَنْفُسِكُمْ وَلَتَسْمَعُنَّ مِنَ الَّذِينَ أُوتُوا الْكِتَابَ مِنْ قَبْلِكُمْ وَمِنَ الَّذِينَ أَشْرَكُوا أَذًى كَثِيرًا وَإِنْ تَصْبِرُوا وَتَتَّقُوا فَإِنَّ ذَلِكَ مِنْ عَزْمِ الْأُمُورِ ﴾ (آل عمران: ١٨٦)



[يُخبر تعالى عن المجرمين أنهم كانوا في الدار الدنيا يضحكون من المؤمنين ، أي : يستهزئون بهم ويحتقرونهم ، وإذا مروا بالمؤمنين يتغامزون عليهم ، أي : محتقرين لهم . (**وَإِذَا انْقَلَبُوا إِلَى**

أَهْلِهِمْ انْقَلَبُوا فَكِهِينَ) أي : رجع هؤلاء المجرمون إلى منازلهم ، انقلبوا إليها فكهين ، أي : مهما طلبوا وجدوا ، ومع هذا لم يشكروا نعمة الله عليهم ، بل اشتغلوا بالقوم المؤمنين يحتقرونهم ويحسدونهم .

ثم قال تعالى : (**وَإِذَا رَأَوْهُمْ قَالُوا إِنَّ هَؤُلَاءِ لَضَالُّونَ**) أي : لكونهم على غير دينهم .

ثم قال تعالى : (**وَمَا أَرْسَلْنَا عَلَيْهِمْ حَافِظِينَ**) أي : وما بُعث هؤلاء المجرمون حافظين على ما يصدر من أعمال وأقوال من هؤلاء المؤمنين ، ولا كلفوا بهم ، فلماذا اشتغلوا بهم وجعلوهم نصب أعينهم ؟



✓ **يا أختي** ربنا طمأنك وبشرك بالثواب الجزيل يوم القيامة والرفعة في الدرجات لو صبرتي على أذى الناس دي في الدنيا.. وفي نفس الوقت توعد الناس دي بالعقوبة البالغة لو ماتوا على السخرية واستهزأهم بالمؤمنين ..

وتعالى نشوف آيات من أروع الآيات اللي بتتكلم عن الموضوع ده ..

قال تعالى:

(**إِنَّ الَّذِينَ أَجْرَمُوا كَانُوا مِنَ الَّذِينَ آمَنُوا يَضْحَكُونَ** * **وَإِذَا مَرُّوا بِهِمْ يَتَغَامَزُونَ** * **وَإِذَا انْقَلَبُوا إِلَىٰ أَهْلِهِمْ انْقَلَبُوا فَكِهِينَ** * **وَإِذَا رَأَوْهُمْ قَالُوا إِنَّ هَؤُلَاءِ لَضَالُّونَ** * **وَمَا أَرْسَلْنَا عَلَيْهِمْ حَافِظِينَ** * **فَالْيَوْمَ الَّذِينَ آمَنُوا مِنَ الْكُفَّارِ يَضْحَكُونَ** * **عَلَى الْأَرَائِكِ يَنْظُرُونَ** * **هَلْ ثُوبَ الْكُفَّارِ مَا كَانُوا يَفْعَلُونَ**) المطففين: ٢٩-٣٦

📖 قال ابن كثير - رحمه الله - في تفسيره :



رضا الله قبل كل شيء

◀ بنات كثير جداً هتقول :

طيب دلوقتي أنا عايزة أرضي الناس وعايزة برده أرضي ربنا في نفس الوقت ! هل ده ممكن يحصل فعلاً؟؟

❖ وأنا هقولك : في البداية لازم تعرفي وتتيقني إن :

◀ **رضا الناس غاية لا تدرك** ▶▶

◀ يعني إيه؟؟

☒ يعني مهما عملتي علشان ترضي كل الناس مستحيل هتقدي ترضيهم كلهم !! مستحيل !!

◀ وتعالى نشوف بعض كلام البنات نفسهم في الموضوع ده علشان تعرفي محاولة إرضاء الناس ممكن توصلك لإيه ..



ولهذا قال الله : (**فَالْيَوْمَ**) يعني : يوم القيامة ، (**الَّذِينَ آمَنُوا مِنَ الْكُفَّارِ يَضْحَكُونَ**) أي : في مقابل ما ضحك منهم أولئك . (**عَلَى الْأَرَائِكِ يَنْظُرُونَ**) أي : ينظرون إلى الله عز وجل ، في مقابلة من زعم فيهم أنهم ضالون ، ليسوا بضالين ، بل هم من أولياء الله المقربين ، ينظرون إلى ربهم في دار كرامته .

وقوله : (**هَلْ ثُوبَ الْكُفَّارِ مَا كَانُوا يَفْعَلُونَ**) ؟ أي : هل جُوزي الكفار على ما كانوا يقابلون به المؤمنين من الاستهزاء والسخرية أم لا ؟ يعني : قد جُوزوا أوفر الجزاء ، وأتمه ، وأكمله . - تفسير ابن كثير -

كما قال تعالى : (**إِنَّهُ كَانَ فَرِيقَ مِّنْ عِبَادِي يَقُولُونَ رَبَّنَا آمَنَّا فَاغْفِرْ لَنَا وَارْحَمْنَا وَأَنْتَ خَيْرُ الرَّاحِمِينَ** * **فَاتَّخَذْتُمُوهُمْ سَخِرِيًّا حَتَّىٰ أَنْسَوْكُمْ ذِكْرِي وَكُنْتُمْ مِنْهُمْ تَضْحَكُونَ** * **إِنِّي جَزَيْتَهُمُ الْيَوْمَ بِمَا صَبَرُوا** **أَنَّهُمْ هُمُ الْفَائِزُونَ**) المؤمنون: ١٠٨-١١١



ج وأيضاً من أروع ما قيل في استحالة رضا الناس:

ضحكت فقالوا ألا تحتشم؟

بكيْتُ فقالوا ألا تتبسم؟

بَسَمْتُ فقالوا يرائي بها

عَبَسْتُ فقالوا بدأ ما كتم

صَمْتُ فقالوا ضعيف اللسان

نطقتُ فقالوا كثير الكَلِم!

عَفَوْتُ فقالوا صنيع الجبان ..

ولو كان مقتدرًا لانتقم

يقولون شَذَّ إن قلتُ "لا"

وإمعةٌ حين وافقتهم !!!

فأيقنتُ أنني مهمما أردت

رضا الناس لابد من أن أذم!



ج من أروع الأبيات التي ذكرت في هذا المعنى:

والله لو صحبَ الإنسانُ جبريلَ

لم يسلم المرءُ من قالوا ومن قيلَ

قد قيلَ في الله أقوالُ مصنفةٌ

تُتلى إذا رُتِلَ القرآنُ ترتيلاً

قد قيلَ أن له ولداً وصاحبةً

زوراً عليه و بهتاناً وتضليلاً

هذا أخي قولهم في الله خالقهم

فكيف لو قيلَ فينا بعض ما قيلَ ؟



◀ وقال الإمام الشافعي رحمه الله أيضاً :

[من ظن أنه يسلم من كلام الناس فهو

"مجنون" !! فقد قالوا إن الله ثالث ثلاثة ،

وقالوا عن محمد ﷺ ساحر ومجنون ، فما ظنك

بمن هو دونهما ؟؟؟؟]

☑ يعني بعد كلامهم الشنيع ده عن ربنا والنبى ﷺ

متستغربيش لو سمعتي منهم كلام أصعب وأبشع !

◀ وقال رجل للحسن البصرى رحمه الله :

[إن هاهنا أقواماً يجالسونك ليجدوا بذلك إلى

الوقية فيك سبيلاً (أي يجلسون يتصيدون لك

الأخطاء) ..

فقال الحسن : هون عليك يا هذا ، فإني أطمعت

نفسى في الجنة فطمعت ، وأطمعتها في النجاة

من النار فطمعت ، وأطمعتها في السلامة من

الناس فلم أجد إلى ذلك سبيلاً! فإن الناس لم

يرضوا عن خالقهم ورازقهم ، فكيف يرضون

عن مخلوق مثلهم ؟؟؟؟]



ومشكلة الناس وكلامهم موجودة من
زمان ، والسلف والتابعين لهم أقوال من
ذهب في الموضوع ده ، ومنها :



◀ قول الإمام الشافعي رحمه الله فى وصية

شافية لأحد أصحابه :

[يا أبا موسى ، إن رضا الناس غاية لا تدرك ،

ليس إلى السلامة من الناس سبيل ، فانظر ما

فيه صلاح نفسك فالزمه ، ودع الناس وما هم

فيه ..]

☑ يعني بيقوله مفيش فايدة !!

مش هتقدر تسلم أبدا من كلام الناس !

فشوفي يا أختي اللي فيه الخير ليكي وفيه

مصلحتك واعمليه حتى لو مش هيعجب الناس ،

سبيك منهم !





﴿ ولو تأملنا في أحوالنا، هنلاقينا لازم نسال
نفسنا :

**﴿ له أصبح أي حد يخاف يعمل حاجة في
مجتمعنا يقول :**

أنا أعمل كده ؟؟؟ والناس تقول عليا إيه ؟؟؟

﴿ مبتلاقيش حد يقول :

أنا أعمل كده ؟؟؟

أعمل كده إزاي وأنا عارف إن كل شيء بيتكتب
ويتسجل و لازم هتحاسب عليه ؟؟؟

أعمل كده إزاي وربنا مطلع عليا ويراني ؟؟

أعمل كده إزاي وبأي وش أقابل النبي ﷺ على
الحوض ؟؟؟

أعمل كده إزاي وبأي وش أقابل ربنا وأقف بين
إيديه ؟؟؟؟



﴿ وقال شيخ الإسلام ابن تيمية رحمه الله :

[ومما يجب أن يُعلم ؛ أنه لا يسوغ في العقل ولا
في الدين طلب رضا المخلوقين ، وذلك لوجهين :
أحدهما : أن هذا غير ممكن ، لأن إرضاء الناس
غاية لا تدرك !!

والثاني : أنا مأمورون بأن نتحرى رضا الله
ورسوله ، كما قال تعالى: **"وَاللَّهُ وَرَسُولُهُ أَحَقُّ**

أَنْ يُرْضَوْهُ" (التوبة: ٦٢) ، **وعلينا أن نخاف الله فلا
نخاف أحداً إلا الله**

كما قال تعالى: **"فَلَا تَخَافُوهُمْ وَخَافُونَ إِنْ كُنْتُمْ**

مُؤْمِنِينَ" (آل عمران: ١٧٥) ، فعلينا أن نخاف الله

وننقيه في الناس ، فلا نطلبهم بقلوبنا ولا
جوارحنا ، ونؤدي إليهم حقوقهم بقلوبنا
وجوارحنا ؛ **ولا نخافهم في الله فنترك ما أمر الله**
ورسوله خيفةً منهم . [



قام جحا نزل ابنه ، وركب هو الحمار علشان
الناس ترضى وتسكت وتبطل كلام ..

- **الناس** برده معجبهمش الوضع وقالوا إيه ده ؟؟
جحا مبيحش ابنه ومفيش عنده دم ! إزاي يركب

ويسيب ابنه الصغير المسكين يمشي على رجليه؟!
قام جحا زهق ونزل من على الحمار .. وفكر

يعمل إيه علشان يرضي الناس ..؟؟ يعمل إيه ؟؟؟
قام شايل هو وابنه الحمار على رأسهم ..!!

- **الناس** شافوهم قالوا الحقوا !!!! جحا وابنه
اتجننوا وشالوا الحمار على رأسهم !!!!!

﴿ ف علشان متبقيش زي جحا ..

سيبك بقى من الناس وكلامهم ..

وفرغي قلبك بقى من طلب رضا الناس ..

يا أختي مفيش فائدة !! مستحيل حد هيقدر

يرضي كل الناس !! مهما لبستي وإتشيكتي

وحطيتي ميك أب وبرفان وعملتي العمائل

علشان ترضيهم برده مش هتعرفي !!



﴿ عارفين جحا ؟؟؟؟

- أكيد كلكم طبعاً سمعتوا عن جحا



﴿ يُروى إن جحا كان ماشي في يوم من الأيام
ومعه ابنه وحماره ..

- **الناس** شافوهم الثلاثة ماشيين ومعجبهمش
الوضع وقعدوا يتريقوا ويقولوا إيه ده ؟ الرجل
اللي مبيفهمش شاري الحمار علشان يسحبه ولا
يركبه؟؟؟؟!

قام جحا وابنه ركبوا الحمار علشان الناس يسكتوا
- **الناس** لما شافوهم الاتنين راكبين الحمار ، قالوا

إيه ده؟؟ جحا وابنه معندهمش رحمة ؟؟؟ إزاي
الاتنين راكبين على الحمار الضعيف ده مرة
واحدة ؟؟؟

قام جحا نزل ، وفضل ابنه راكب على الحمار
علشان يرضي الناس ويخلص من كلامهم ..

- **الناس** شافوا جحا ماشي وابنه هو اللي راكب
الحمار قالوا إيه ده ؟؟ الظاهر إن جحا معرفش

يربي ابنه!! إزاي الولد يركب ويسيب أبوه ماشي!



« أصل مهما الناس رضوا عنك ومدحوا فيكي ، فده مش هينفعك بأى شئ .. ومهما الناس غضبوا عليكي وذنموا فيكي فده برده مش هيضررك بأى شئ! »

☑ إنما لو ربنا رضي عنك ، فإنتي كسبتي كل شئ .. كسبتي دنيتك وأخرتك !! ولو ربنا غضب عليكي ، فإنتي خسرتي كل شئ .. خسرتي دنيتك وأخرتك !!

« ربنا هو الوحيد القادر إنه يرفع قدرك في الدنيا والآخرة .. وهو أيضاً القادر إنه يهين قدرك ولا يجعل ليكي أي قيمة حتى لو عملتي كل شئ واستعنتي بكل الناس .. قال الله :

(وَمَنْ يُهِنِ اللَّهُ فَمَا لَهُ مِنْ مُكْرِمٍ)

الحج:١٨

«هل فيه حد عاقل بعد ما يقرأ الآية دي ممكن يطلب رضا الناس ويفضربنا ؟؟؟»



« **مستحيل الناس هيبطلوا كلام .. لو مش مخطوبة هيفضلوا يقولوا إمتى تتخطبي ويرموا كلام من اللي إنتي عارفاه .. ولو اتخطبتي يفضلوا وراكي مش ناوية تتجوزي بقي ؟؟ ، و لما تتجوزي .. مفيش عيل كده نفرح بيه ؟؟ ، ولما تخلفي .. ها مش هتجيبه حد يلعب معاه ؟؟ ، ولما يحصل أي مشكلة مع جوزك يفضلوا يولعوا فيها !! ، يعني من الآخر .. هيفضلوا وراكي لحد ما يجوزوكي ويطلقوكي .. وياريتهم حتى هيسكتوا بعد كده !!!!!!!** »

« **وحتى يا أختي لو افترضنا جدلاً إنك قدرتي توصلي لرضا جميع الناس عنك .. رضا الناس قيمته إيه إذا كان ربنا مش راضي عنك ؟؟!** »



« هي دي المأساة الكبرى !! أصبحنا بنخاف من البشر أكثر من خوفنا من الله !! ونستحي من البشر أعظم من حيائنا من الله !! ونبتغي رضا البشر أعظم من ابتغائنا رضا الله !! وعلشان كده ، لما هان ربنا علينا ، هُنَّا عليه .. والجزاء من جنس العمل !

« أنا عايزك تعرفي يا أختي إنك لو اجتهدتي في طلب رضا ربنا ، ربنا سبحانه وتعالى هيرضى عنك ، وهيرضى عنك الناس .. أيوه .. **أصل النبي ﷺ قال :**

(ن القلوب بين إصبعين من أصابع الله يقلبها كيف يشاء) صححه الألباني
ولو أطعته وسعيتي في رضاه ، فالله عز وجل هو القادر بكلمة (كُن) يرضي عنك الناس أجمعين !!



☑ **عايزين بقى يا أختي نعرف ربنا حق المعرفة ونقدره حق قدره ..** مش عايزين الخوف من الناس في قلوبنا يبقى أكبر من خوفنا من ربنا !! مش عايزين تعظيم الناس في قلوبنا يبقى أكبر من تعظيمنا لربنا !!!

« **إحدى البنات مش بقت تلبس بناطيل ، ولما سألوها عن السبب قالت :**

أصلي اتخطبت ، ومقدرش ألبس بناطيل نهائي بعد الخطوبة !! ده كان خطيبي يدبطني !!!!!
قلت : سبحان ربي !! للدرجة دي بنعمل حساب للناس وبننسى ربنا ؟؟ للدرجة دي هانت عظمة ربنا في قلوبنا !! **حقاً كما قال الله :**

« (وَمَا قَدَرُوا اللَّهَ حَقَّ قَدْرِهِ)

الزمر:٦٧

« أكبر مشكلة إيمانية وقعنا فيها ، وأخطر معصية ارتكبتها قلوب أمتنا هي :
زوال هيبة الله من القلوب ! »





﴿ وفي المقابل وعلى العكس تماماً .. ﴾

﴿ قال رسول الله ﷺ : ﴾

(من أَرْضَى الناس بسخط الله ، سَخَطَ الله عليه)
أَسْخَطَ عَلَيْهِ النَّاسُ (صححه الألباني

يعني اللي هيطلب رضا الناس ، ويغضب ربنا علشان يرضيهم ، ربنا هيغضب عليه .. مش كده وبس ، بل وهيخلي الناس كمان تغضب عليه!

﴿ وفي رواية أخرى : ﴾

(ومن التمس رضا الناس بسخط الله ، وكله الله إلى الناس) صححه الألباني

يعني اللي هيطلب رضا الناس ، ويغضب ربنا علشان يرضيهم ، ربنا هيتركه للناس تدخل فيه وتتكلم عنه وتتجرأ عليه وهيشف من أذاهم وشرهم ..

﴿ وفي رواية أخرى : ﴾

(ومن أَرْضَى الناس بسخط الله ، عاد حَامِدُهُ من الناس له ذاماً) صححه الألباني

يعني اللي هيطلب رضا الناس ، ويغضب ربنا علشان يرضيهم ، هينقلب عليه الشخص اللي كان عايز يرضيه وهيقي عدو له ويشغل ذمّ وتعيب فيه ..



﴿ وفي المقابل وعلى العكس تماماً .. ﴾

(من التمس رضا الله بسخط الناس ؛ رضى الله عنه ، وأرضى عنه الناس) صححه الألباني

يعني اللي هيطلب رضا الله وبس ، ومش هيهمه حتى لو غضب الناس عليه ، ربنا هيرضى عنه .. مش كده وبس ، بل وهيخلي الناس كمان ترضى عنه ..

﴿ وفي رواية أخرى : ﴾

(من التمس رضا الله بسخط الناس ، كفاه الله مؤونة الناس) صححه الألباني

يعني اللي هيطلب رضا الله وبس ، حتى لو غضب الناس ، ربنا هيكفيه أذى الناس وكلامهم وشرهم ..

﴿ وفي رواية أخرى : ﴾

(من أَرْضَى الله بسخط الناس كفاه الله) صححه الألباني

هنا لفظ عام (كفاه الله) ، يعني ربنا هيكفيه كل شئ ..



- يعني لو ربنا أبغضك ، الكون كله هيكرهك ، ومهما حاولتي تعملي علشان الناس تحبك برده هيكرهوكي !! خلاص والعياذ بالله وُضِعَ ليكي البغضاء في الأرض!

﴿ وأخر نصيحة هقولها لك في الجزئية دي : ﴾

"متديش ودانك للناس وكلامهم"

حتى لو إنتي متأكدة مليون % إنك مش هتتأثري بكلامهم ..

﴿ ليه بقولك كده ؟؟ لأنهم بيقولوا في الأمثال : ﴾

"الزّن على الودان أمر من السحر !!"

وخاصة لما هتكوني في بداية التزامك أو في مرحلة ضعف إيماني ، ممكن أي كلام أو شبهة مهما كانت تافهة تأثر فيكي ؛ بل ممكن تخليكي تنتكسي والعياذ بالله !!



﴿ أختي الغالية .. إنتي عارفة لو اجتهديتي في رضا ربنا وربنا رضى عنك وأحبك ، عارفة إيه اللي هيحصل ؟؟ ربنا هيحب الناس فيكي .. ﴾

﴿ قال رسول الله ﷺ : ﴾

(إن الله تبارك وتعالى إذا أحب عبداً نادى جبريل إن الله قد أحب فلاناً فأحبه ، فيحبه جبريل ، ثم ينادي جبريل في السماء إن الله قد أحب فلاناً فأحبه ، فيحبه أهل السماء ، ويؤضع له القبول في أهل الأرض) متفق عليه

يعني لو ربنا حبك ، الكون كله هيحبك ، سيدنا جبريل هيحبك ، وملائكة السماء كلهم هيحبوكي ، وكمان أهل الأرض هيحبوكي .. عايزة إيه تاني؟

﴿ وفي المقابل وعلى العكس تماماً .. قال ﷺ : ﴾

(وإذا أبغض عبداً دعا جبريل فيقول إنني أبغض فلاناً فأبغضه ، فيبغضه جبريل ، ثم ينادي في أهل السماء إن الله يبغض فلاناً فأبغضوه ، قال فيبغضونه، ثم يؤضع له البغضاء في الأرض)



فكيها ده الدين يسر!

« الدين يسر » .. كلمة بقينا نسمعها على لسان كتبيبيبيبيير من الناس في زماننا .. ولما حد يعمل أي حاجة غلط وتبيجي تكلمه ، أول كلمة بتسمعها بتبقى إنت مقلها كده ليه ؟؟ ده إنت متشدد أووووووي !!! فكها شوية ، ده الدين يسر يا عم الحاج !!!

► بنت بتقول :

كل البنات اللي بشوفهم حواليا أوفر أوفر بجد في لبسهم وتصرفاتهم !! وبحس كاني شادة وسطهم !! والكل بيقولي إني محباها والدين يسر مش عسر!!

► وبنت بتقول :

كل لما بنزل بعبايتي الواسعة الأقي الناس تقولي إيه اللي إنتي عملاه في نفسك ده ؟؟ ده إنتي كان لبسك فظيع وجميل! ليه كده؟ كاني لبست عريان!



☑ فابعدي عن الناس دي ومتسمعيش كلامهم ولا تقعدي في مجالسهم وحافظي على قلبك وإيمانك ..

« وإوعي كلام الناس يخليكي مترددة في اتخاذ أي قرار هيقربك من ربنا ، أحسن والعياذ بالله ممكن تكوني كده من المنافقين !!
أصل التردد ربنا ذكره في صفة المنافقين ..

قال الله : **(فهُمْ فِي رَيْبِهِمْ يَتَرَدَّدُونَ)** التوبة: ٤٥ ..

وقال الله **(مُذَبِّبِينَ بَيْنَ ذَلِكَ)** النساء: ١٤٣ ..

☑ ف سيبك من الناس وكلامهم ، وفرغي قلبك من طلب رضا الناس ، **وخلّي شعار حياتك هو :**

رضا الله قبل كل شئ



« بعد ما شوفنا كلام البنات ، تعالوا الأول نعرف إيه المعنى الحقيقي لحديث النبي ﷺ " إن هذا الدين يسر " ؟؟؟؟

☑ **الدين يسر :** معناها والمقصود بها إن الدين بجميع أحكامه وشرائعه يسر لا عسر فيه ..

دين الإسلام ميسر مُسهل في جميع عقائده وأوامره ونواهيه ..

كل التشريعات والفروض اللي أنزلها ربنا في مقدورنا وطاقتنا ومُستحيل ربنا هيكلفنا بحاجة مش في طاقتنا ..

« قال الله تعالى :

(يَرِيدُ اللَّهُ أَنْ يُخَفِّفَ عَنْكُمْ وَخُلِقَ الْإِنْسَانُ

ضَعِيفًا) النساء: ٢٨

« وقال تعالى :

(هُوَ اجْتَبَاكُمْ وَمَا جَعَلَ عَلَيْكُمْ فِي الدِّينِ مِنْ

حَرَجٍ) الحج: ٢٨



والله لو كنت لبست عريان ماكنوش هستعجبوا كده! ولما بقولهم أنا لبست كده عشان ده اللي يرضى ربنا ، يقولوا الدين يسسسسر ! إنتي ليه متشدده كده ؟؟؟ إنتي أصلاً "دقة قديمة" !
إنتي "مش طبيعية أبداً" !

► وبنت بتقول :

كل صحباتي بيكلموا ولاد في الجامعة ولما بنصحهم لوجه الله بيقولولي إني " قفل " ومحترمة أوي زيادة عن اللزوم ، والدين يسر ومش كده خالص !!

► وبنت بتقول :

بقابل ناس كتير جداً في الشارع أو في الشغل أو في المترو كلهم بيعلقوا على لبسي الاسدال وبيقولولي إني فاهمة الدين غلط ومعقدة الموضوع والدين يسر ومش كده خالص ،
واحدة قالتلي إن أخرة اللي أنا فيه ده إني هدخل النار لأنني بعقد الناس في الإسلام!!



❖ وعازب أسأل أي حد بيبرر الغلط ويستدل بحديث (الدين يُسر) أو بقول الله (وَكَذَلِكَ جَعَلْنَاكُمْ أُمَّةً وَسَطًا) ، عازب أسأله إزاي تستدل بقول الله وقول الرسول ﷺ على إنك تعمل ما يفضب الله ورسوله ؟ سبحان الله !!

◀ المشكلة في زماننا إن الناس اتربوا ونشأوا على أشياء معينة في المجتمع بتخالف تعاليم الدين ، ولما بيكبروا ويعرفوا إنه حرام ومش بيقدروا يبعدوا عنه ، يقوموا على طول يلزقوها في إن الدين يسر وده تشدد!

👉 المشكلة في زماننا ،

إنه من كثرة المتساهلين في دينهم ،
ظهر الملتزمون على أنهم متشددون !!



☑ ده غير إن من أهم معاني الدين يسر :

رفع الحرج عن الناس والأخذ بالرخص الشرعية اللي ربنا أنزلها للتخفيف عنهم والتيسير عليهم ..

◀ والرخص الشرعية في الإسلام كتير جداً .. ومنها الجمع بين الصلوات وكذلك قصر الصلاة الرباعية في السفر ، والصلاة جالساً لغير المستطيع أنه يقف ، وأيضاً إباحة الفطر للمسافر ، والمسح على الجوربين أثناء الوضوء لو الانسان في بيته لمدة يوم بليلته وللمسافر ثلاثة أيام بلياليهن ، والتيمم عند الخوف من استعمال الماء لو الانسان مريض ، وجمع الصلاتين عند نزول المطر ، وأكل الميتة أو شرب المسكر عند الاضطرار خشية الهلاك ، وغيرها من الرخص والتخفيفات الشرعية ..



☑ ولذلك ، الأهم من تعريف المتشدد والمتساهل هو الميزان اللي هيتوزن بيه الإتنين ..

هل ده متشدد من وجهة نظر مين أو متساهل من وجهة نظر مين؟؟

◀ والميزان اللي بنعرف به المتشدد والمتساهل هو أحكام الشريعة ..

◀ مقدرش نقول ده متشدد وده متساهل غير من وجهة نظر الدين وبس ..



◀ أحد الدعاة بيحكي ويقول إن أحد الناس من جيرانه طلب منه إنه يبجي يكلم بناته لأنهم مش محبيين وبيلبسوا قصير وكده ..

- الداعية راح وكلم البنات وبفضل الله بنت منهم اقتنعت ووعده أنها هتلبس الحجاب وتغير لبسها .

- تاني يوم .. أبو البنت اتصل بالداعية وقاله الحقني يا شيخ !! البنت بنتي اتحجبت بس بقت متشددة أووووي !! لازم تبجي تشوف بنفسك

وتصحها تبعد عن التشدد ده لأن الدين يسر ..!!

- الداعة بيقول : قلت في نفسي طالما بيقول متشددة يبقى أكيد والحمد لله لبست النقاب أو حاجة زي كده ..

- ولما وصل البيت عندهم ، ودخلت البنت عليهم ، الداعية لقاها لابسة بدي واسترثش وطرحه قصيرة !! قام ضحك وقال لأبوها :

◀ ده مش تشدد يا حاج !! ده إرهاب!!!!!!



﴿ **وتعالوا نشوف الموقف ده هيوضح لنا الأمر أكثر بإذن الله تعالى ..** ﴾

[أحمد ووالدته ومعاهم عروسته وأهلها راحوا علشان يشتروا طقم أنتريه ، ولما وصلوا المحل ، لقوا الأنتريه اللي عابزينه بالظبط ، الحمد لله نفس اللون والموديل وعدد الكراسى اللي مطلوب بالظبط ، وسألوا عن السعر برضه مناسب جداً ، خلاص على بركة الله .. كله موافق .. تمام ..

- **ولكن فجأة ؛ لاحظت العروسة إن رجل الأنتريه مكسورة!!!!!! بدأ الكل يتأكد ... أه فعلاً مكسورة !!!**

- **قالوا لصاحب المحل ، رد عليهم وقال لهم بكل هدوء : وإيه المشكلة ؟؟؟؟!! عادي يا جماعة ، ما هو باقى الأنتريه سليم وزى الفل !!**

- **قالوله هنعطه إزاي كدة ؟!! صلحه طيب !! نادى صاحب المحل على أحد العمال وقال : قالبيين طوب بسرعة يا واد !!! نظر الكل باستغراب !! طوب !!!!**



﴿ **ولو حبيننا نضرب أمثلة على التشدد الحقيقي:** ﴾

① **الزيادة عن المشروع :**

زي الانقطاع عن الدنيا وعدم الزواج والرهينة بحجة عبادة الله ..

② **اتخاذ ما ليس بواجب على أنه واجب :**

زي اللي بييجل الصدقة (المستحبة) فرض مثل الزكاة ..

③ **اتخاذ ما ليس مُحَرَّم من الطيبات على أنه مُحَرَّم :**

زي ما بنى اسرائيل عملوا وحرموا الطعام الحلال على نفسهم ..

﴿ **إنما لما بنت تلبس الحجاب الصح اللي أمرها به ربها ، وتبعد عن المحرمات زي الاختلاط والأغاني والغيبة والنميمة ، وتصلي الصلاة في وقتها وتقرأ قرآن وتذكر ربنا ، فيبييين التشدد في كده ؟؟؟؟؟؟؟؟؟** ﴾



﴿ **هل الدين يسر معناها إني أضيع الفروض ؟؟؟؟ ويأتري نفس الشخص اللي بيضيع أوامر ربنا يقبل يشتري الأنتريه برجله المكسورة ؟؟؟؟** ﴾

﴿ **ليه كل حاجة في دنيننا بالورقة والقلم وبنعملها دراسة جدوى ولازم تتعمل صح على أكمل وجه ؟!!! ولكن عند الدين نقول مش مشكلة بقى وربنا هيتقبل! عند الدين نقول خليها على الله ، وربك رب القلوب ، والدين يسر ، ويوم الحساب ربك يفرجها !!!** ﴾

﴿ **والإعتراض هنا مش على العبارات دي في حد ذاتها ، الإعتراض على استخدامها في غير محلها ..** ﴾

﴿ **الدين فعلاً يسر وما خيّر النبي ﷺ بين أمرين إلا إختار أيسرهما .. ولكن مش عابزين ناخذ نص الحديث ونقف !! تعالوا نكمل الحديث ..** ﴾



- **قال لهم : عادي جداً!!!!!! ، ده الطوب تحت كرسى الأنتريه هيبقى أخر جمال !!**

- **وقعد يقولهم يا جماعة خليكوا "لارج" ! إيه يعنى رجل كرسى ؟؟! فكوها شوية !! بلاش تحبكوها كدة! [**

﴿ **انتهى الموقف ويبقى المعنى ..** ﴾

﴿ **شئ جميل إهتمامنا بكل الأمور في حياتنا .. جميل حرصنا على الأفضل والأنسب .. جميل عدم تهاوننا في تفاصيل أمور الدنيا .. ولكن يا ترى ده مبدأ لا يتغير ؟؟ ولا إحنا لنا حسابات تانية في التعامل مع أمور الدين ؟؟؟؟** ﴾

﴿ **لاحظنا إن صاحب المحل شايفهم متشددين أوي ومش عابزين يقبلوا خطأ عادي والمفروض يكونوا متساهلين أكثر من كدة !! ولكن هما طبعاً مستحيل هيوافقوا يشتروا الطقم كده !!!** ﴾

﴿ **طب ليه مينقبش أي تقصير في دنيننا وعادي جدا التقصير في ديننا ؟؟؟** ﴾

﴿ **ليه المبرر دايمًا يكون : الدين يسر ؟؟؟!!** ﴾



هتضحكي على مين؟؟؟

﴿ أنا عايز أسأل كل بنت لابسة الحجاب المودرن وبتقول الدين يسر وأنا كده كويسة ، عايز أسألها :

﴿ إنتي بحجابك ده بتضحكي على مين؟؟
بتضحكي على نفسك؟؟؟

ولا على الناس؟؟؟

ولا فاكدة إنك ممكن تخدعي ربنا؟؟؟

﴿ بتخدعي مين بالظبط؟؟؟

﴿ عايز أقول لكل بنت لابسة الطرحة مع البيدي والفيسبوك والبنطلون أو الجيبة أو عباية ضيقة مجسمة يا أختي متضحكيش على نفسك!! إنتي لابسة اللبس ده علشان موضة ، علشان تبقى جميلة قدام الناس!!



﴿ يا اختي .. أنا مش عايزك تضحكي على نفسك وتقولى أنا محببة علشان مسلمة ..!!!
أنا محببة علشان ربنا ..!!!!!!

﴿ إنتي لو محببة علشان مسلمة ، هتعرفى إن الإسلام يعنى الاستسلام لأوامر الله ، وتنفيذها على مراد الله مننا ، مش على مزاجنا وأهوائنا وشهوئنا ، وهنتلبيسي الحجاب الصح!!

﴿ إنتي لو محببة علشان ربنا ، هنتلزمي بكل شروط الحجاب الللى إنتي حفظها كويس أوى ، وهتقولى رضا ربنا عندي أهم من مذهري ورضا الناس!!

﴿ ولكن للأسف انتي مش حاظة رضا ربنا كهدف في لبسك وحجابك!! وعلشان كده شوية بتبقي عايزة ترضي الناس ، وشوية عايزة ترضي نفسك ، وعلى طول محتارة وشايلة كل الهوموم إلا هم إرضاء الله!!!



﴿ عن عائشة رضي الله عنها قالت:

(ما خَيْرَ رسول الله ﷺ بين أمرين إلا اختار أيسرهما ما لم يكن إثماً ، فإذا كان إثماً كان أبعد الناس منه) رواه البخاري

﴿ شوفتي الحديث يا أختي؟؟؟ آه النبي ﷺ كان دائماً بيختار الأيسر من الأمور ، ولكن في الحلالات ، أما لو حرام فكان أبعد الناس عنه ..

✓ خلاصة الكلام .. إن ديننا جميل جداً ويُسر ورائع ولكن مش عايزين الشيطان يدخلنا من الناحية دي ويقولك إعضى ربنا براحتك!! ربنا غفور رحيم!! الدين يُسر ، والللى لابسة واسع ومش بتحط مكياج ومش بتكلم ولاد دي متشددة ومعقدة!!

✓ مش عايزين الشيطان يضحك علينا ، مش عايزين نهتم بأدق التفاصيل في الدنيا والآخرة حتى الأساسيات نضيعها!! عايزين نفوق بقى ونعطي كل شئ حجمه ..



﴿ وعلشان كده لما بقولك اللبس ده ميرضيش ربنا ، بتقولى عاجبني وكده كويس!

﴿ وعلشان كده لما الإسدال طلع موضة في سنة من السنين الللى فاتت لقينا كل البنات لبسته من غير نقاش ، ولكن دلوقتي لما تقول لبنت ألبسيه مش بتوافق!!

﴿ وكذلك الجيبات الواسعة المنفوشة!!! لما طلعت موضة ، كل البنات قامت لبسها!!

﴿ وتلاقي البنات بتقول في نفسها : الحمد لله ، الموضة السنة دي واسع ، يعني هنمشي مع الموضة ونرضي ربنا السنة دي!!!!
﴿ وكذلك لما البنات في المسلسلات التركي طلوعوا سايبين حواجبهم ، البنات سابوا حواجبهم ومبقوش يمنصوا ، برده علشان موضة!!!! وبمجرد ما الموضة انتهت ، الكل رجع يمنص تاني!!!!!!



✘ **للأسف أصبحت نظرة الناس ليكي بتختزلك في شوية مكياج وليس !! يعني إنتي من غير المكياج واللبس ده ملكيش قيمة عندهم !!**
 ➔ **ليه تسعي لإرضاء ناس بالفكر العقيبم ده؟؟!**

☛ **أنا عايزك تعرفي يا أختي إنك لو حظيتي كلام الناس ورضاهم في حساباتك .. وبالذات في موضوع اللبس والمظهر .. فإنتي كده للأسف بتدخلى نفسك في منافسة غير شريفة بالمره !!**
 لأن فيه بنات كثير جداً عندها استعداد كامل إنها كل ما تشوف بنت أجمل منها تلبس أضيق أكثر وأقصر أكثر وتعري في جسمها أكثر علشان تتفوق عليها !!!

☛ **يا ترك هتعملي إيه ساعتها علشان تبقي أجمل منها وترضي الناس ؟؟؟**
 ➔ **يا ترك هتقدري تنافسي النوعية دي؟**



☛ **وبعدين هو إنتي فاكرة مدح الناس ونظراتهم ليكي دي حاجة حلوة ؟؟**
 دول يا أختي مش بيمدحوا فيكي !! دول بيمدحوا في **جسمك فقط !!!**

أصل إحنا للأسف بقينا في مجتمع بيقدس الجسد
 ومبينظرش للمرأة إلا بمنظور واحد بس !!!
 مجتمع طغى عليه طوفان الشهوات والإباحيات!!
 وإنا لله وإنا إليه راجعون !!

☛ **يا أختي اللي بيصلك ده ويمدحك بيص لجسمك أولاً وأخيراً !! واحد طمعان فيكي وعاوز ينهشك لو يقدر !! وإنتي اللي بتساعديه على كده !! ومتقوليش هو اللي المفروض يغض بصره ، لأن مش كل الشباب ملتزمين وهيغضوا بصرهم !! وعلشان كده بنات كتبيبير من اللي بيتعرضوا للاغتصاب بيكون حالهم زى حال أغلب البنات لابسين حجاب الموضة الاستايل ، وفي الآخر يقعدوا يقولوا إزاي محجبات واتعرضوا للاغتصاب ؟؟ وهما أصلاً "عريانيين" بس حاطين على راسهم طرحة وإسمهم "محجبات" !!**



☑ **قال رسول الله ﷺ :**

« **ما منكم أحد إلا سيكلمه ربه ليس بينه وبينه ترجمان ولا حجاب يحجبه ، فينظر أيمن منه فلا يرى إلا ما قدم من عمله ، وينظر أشأم منه فلا يرى إلا ما قدم ، وينظر بين يديه فلا يرى إلا النار تلقاء وجهه ، فاتقوا النار ولو بشق تمره**

« متفق عليه

☛ **يا نرى ساعنها هتقولي لربنا إيه ؟؟**



☛ **يا أختي فووووووقي بقى وافتكري إن كل النعم اللي هتستخدميها علشان ترضي الناس في معصية الله اللي وهبها لك هو ربنا !!**
وهو القادر إنه يحرمك منها فى أى لحظة !!
 وساعتها إبقى قولي يا ناس الحقوني وهاتولي النعم اللي راحت مني !!!

☛ **مين اللي خلقك واداكى الصحة والعلم والجمال ؟؟؟ كم بنت محرومة من نعم إنتي غرقانة فيها ليل نهار؟!!**

هل فيه حد عاقل بعد كل النعم دي ويستخدمها في معصية الله وميأديش شكرها ؟؟؟؟

☛ **يا أختي فووووووقي بقى ، وافتكري إنك هتقفي بين إيدين ربك وهيسألك .. !!**

☛ **هتقولي عصيتك وأغضبتك يارب علشان كلام شوية بشر انت اللي خلقتهم ورزقتهم ومحدث فيهم كان يملك نفع ولا ضرر لأي حد !!!**
 ☛ **هتقولي عصيتك وأغضبتك يارب علشان أرضي الناس اللي كلهم بيهربوا وبيبتبرؤا مني دلوقتي !!**

لسه برده عايزة تغضبي ربنا وترضي الناس ؟؟



✘ استفدتي إيه غير واحد قالك "واو فانتاستيك"!
وواحد قالك "استايل جدارااا وكوووول طحن" !!
وواحد قالك "جامدة جدارا آخر ٢٥ حاجة" !!
وواحدة قالتك "الطقم ده تحفة ويجنن وهياكل
منك حته" !!

➔ ما استفدنيش فائدة واحدة حقيقية!!!

✘ مجرد إرضاء لغرور نفسك وشهواتك ..
كلمتين حلوين سمعتهم وكنتي فرحانة بيهم ..
وانتهوا...!!!

✗ **ولكن اللي منتهاش إنك في نفس الوقت جنيتي**
من ورا ده "**غضب الملك الجبار المنتقم**" ..!!!!
✗ **جنيتي** بكل مرة خرجتي فيها بالمنظر ده
جبارااااااااااااا لا يعلمها إلا الله وسينااااااااااااا لا
حصر لها سودتي بها صحيفتك ..
✗ **جنيتي** عقوبات ممكن تخلي حياتك دنيا وآخرة
جحيم لو مفوقتيش لنفسك وتوبتي ورجعتي لربك !



✗ **يا أختي .. الناس اللي إنتي عابزة ترزيمهم**
دول مش هيدخلوا معاكى قبرك ، ولا هيتحاسبوا
بدالك ، ولا هيرضوا يدولك حسنة واحدة ، ولا
هيرضوا يشيلوا عنك سيئة واحدة يوم القيامة !

لسه برده عابزة تغضبي ربنا وترضي الناس؟

✗ **وأنا عايز أسألك : بعد سنينيين من عمرك**
قضيتيها مع الناس وإنتي بتلبسي أشيك لبس ،
وبتحطي أغلى مكياج ، وأقطع برفان ، وبتكلمي
أروش شباب في الجامعة ، وععيشة حياتك
بالطول والعرض ، والناس كلهم مبسوطين بيكي

✗ **يا ترى جنيتي إيه من ورا الناس**
وكلامهم طول السنينيين اللي فاتت؟؟?
➔ **استفدتي إيه من ورا مدحهم**
ورضاهم عنك؟؟



✗ **يا ترى هيبقى عمل صالح** ويبقى أحسن
أنيس وجليس في الموقف ده ..؟؟ ولا هيبقى
عمل سيء ويبقى أبشع جليس وأنيس في
الموقف ده؟؟؟

➔ تخيلي موقفك ساعتها .. وبايدك حرية
الاختيار .. **من دلوقتي** لازم تختاري ..
من دلوقتي لازم تحددتي وجهتك .. لازم تعرفي
إنتي عابزة إيه؟؟ يا دنيا .. يا آخرة ..؟؟؟؟؟؟؟؟
يا رضا الناس .. يا رضا ربنا ..؟؟؟؟؟؟؟؟
ولو اخترتي الدنيا ربنا هيديهالك .. لأنها أصلا لا
تساوي عند الله جناح بعوضة !!!

✗ **الدنيا مش هي المقياس أبداً!**

✔ **قال رسول الله ﷺ :**

(إن الله عز وجل يعطي الدنيا من يجب ومن
لا يجب ، ولا يعطي الإيمان إلا من أحب)



✗ **يا أختي ، لو الناس كلها رضيت عنك**
هيفيدوكي بايه؟؟?
ولو الناس كلها سخطوا عليكي هيصروكي
بايبييه؟؟

✗ **أنا عايزك تتخلي لو لا قدر الله حصلتك**
حادثة وجمالك ده راح ، **يا ترى أصحابك**
هيفضلو معاكى ولا هيبعدوا عنك؟؟ ويا ترى
الناس اللي في الشارع بردو هيتكلموا عنك إزاي
وهيقولوا عليكي إيه؟؟؟

✗ **أنا عايزك تتخلي لو لا قدر الله حصلتك**
حادثة وتوفاكي الله في الحادثة دي ، يا ترى
أصحابك والناس اللي في الشارع هيدعوك؟؟ **يا**
ترى حد هيفتكرك أصلاً؟؟ ولا هيفلقوا غيرك
مليون بنت بنفس الإستايل ينشغلوا بيها؟؟! **تبقيني**
إن الكل هينساكي ومحدش هيفتكرك !! وساعتها
هتبقيني خلاص دخلتي قبرك وانتقل عليكي بابه ،
والكل سابك ومشى ومقاش معاكى أنيس ولا
جليس **إلا عملك** ..!!!

☑ **اللي هيحكم عقله ويختار الآخرة .. هيفوز**
بما لا عين رأت ولا أذن سمعت ولا خطر على
قلب بشر ..

« فاختاري الآخرة يا مؤمنة يا غالية ،
وتأكدي إن ربنا هيكفيكي وهييعينك
ويثبتك ويحفظك إذا لجأتي إليه
واستعنتي به واخترتي رضاه .. قال الله

(وَمَنْ يَتَّقِ اللَّهَ يَجْعَلْ لَهُ مَخْرَجًا * وَيَرْزُقْهُ)

مِنْ حَيْثُ لَا يَحْتَسِبُ) الطلاق: ٢-٣

وقال الله: **(مَنْ كَانَ يُرِيدُ الْحَيَاةَ الدُّنْيَا وَزَيَّنَّهَا نُوفًا
إِلَيْهِمْ أَعْمَالَهُمْ فِيهَا وَهُمْ فِيهَا لَا يُخْسُونَ)**

هود: ١٥

« **ولكن بعد كده ، الجزاء إيه في الآخرة ???**
**أُولَئِكَ الَّذِينَ لَيْسَ لَهُمْ فِي الْآخِرَةِ إِلَّا النَّارُ وَحَبِطَ مَا
صَنَعُوا فِيهَا وَبَاطِلٌ مَا كَانُوا يَعْمَلُونَ)**

هود: ١٦

☑ **أما اللي هيحكم عقله ويختار رضا ربنا ..**
اللي هيحكم عقله ويختار الآخرة ، الدنيا هتجيله
لحد رجليه

« **قال رسول الله ﷺ :**

**(من كانت الآخرة همه جعل الله غناه في قلبه ،
وجمع له شمله، وأتته الدنيا وهي راغمة)** صححه
الأبائي

☑ **اللي هيحكم عقله ويختار الآخرة .. ربنا**
هيكفيه هم كل شئ .. **قال الله :**

« **(أَلَيْسَ اللَّهُ بِكَافٍ عَبْدَهُ)** الزمر: ٣٦

« **والحلال والحرام واضح وبيّن من غير حاجة**
زي ما النبي ﷺ أخبرنا (الحلال بين والحرام بين
(متفق عليه .. ولكن ما في الأمر ، إن وجود الحق
والباطل ، والخير والشر ، والفساد والصلاح من
السنن الكونية ..

« **وربنا سبحانه وتعالى أخبرنا عن اختلاف**
درجات الناس في الإيمان ، وتفاوتهم في
الاستجابة للأوامر والبعد عن النواهي ..
قال تعالى :

« **(إِنَّ سَعْيَكُمْ لَشَتَى)** الليل: ٤

[ومعنى الآية : إن أعمالكم لمختلفة]

☑ **يعني فيه ناس هتعرف أوامر ربنا ونواهي**
وهتنتذ وهتستجيب وتقول (سمعنا وأطعنا) ..

☒ **وناس تانية هتعرف الأوامر والنواهي ولكن**
مش هتستجيب وهيقولوا (سمعنا وعصينا) ،
حتى مع معرفتهم بالعقوبة والجزاء على
معاصيهم دي !!..

أحوال الناس !!

« **بنت هتسأل وتقول :**

طيب ليه الناس بقت بالمنظر الفظيع اللي كلنا
شايفينه ده ?? ليه بعدوا عن ربنا بالشكل ده ??
هما مش عارفين الحلال من الحرام ?? حد
يفهمني ???

« **هقولك :**

أولاً .. متشغليش نفسك بالناس لدرجة تخليكي
تتشغلي عن إصلاح نفسك وعبوبها ، كل واحد له
يوم هيقف فيه لوحده بين إيدين ربنا ويتحاسب
على كل شيء ..

ثانياً .. بالنسبة لمعرفة الحلال والحرام ، فنقدر
نقول إننا بفضل الله في زمن الدين أصبح فيه في
متناول الجميع ، فضائيات وانترنت وندوات
وكتب وغيره ، وأحكام الدين بقت معروفة
لكتيبينيين من الناس ..



واتباع الهوى المضلل ده اللي بنشوفه دلوقتي بين الناس .. ولو هنتكلم عن البنات والنساء كمثل ..

◀ هنلاقي إن تقريباً ٩٠ % من النساء عارفين مواصفات الحجاب الشرعي ومع ذلك مش بيلبسوه !!!

◀ هنلاقي ٩٠ % من النساء عارفين إن النمص حرام وصاحبه ملعونة ومع ذلك بينمصوا !!!

◀ ٩٠ % من النساء عارفين إن الصلاة فرض وتركها يصل لدرجة الكفر ومع ذلك مش بيواظبوا عليها وبيفرتوا فيها بكل سهولة !

◀ ٩٠ % من النساء عارفين إن علاقات الحب مع الرجال بدون ارتباط شرعي حرام ومع ذلك بيعفوا فيها مرة واثنين وعشرة !!!

◀ طيب لبيبيبيبيبيبيبي كده ؟؟؟ !!!

إيه السبب ؟؟؟ !!!



◀ قال الله تعالى :

(وَلَقَدْ ذَرَأْنَا لِجَهَنَّمَ كَثِيرًا مِّنَ الْجِنِّ وَالإِنسِ لَهُمْ قُلُوبٌ لَا يَفْقَهُونَ بِهَا وَلَهُمْ أَعْيُنٌ لَا يُبْصِرُونَ بِهَا

وَلَهُمْ آذَانٌ لَا يَسْمَعُونَ بِهَا أُولَئِكَ كَالْأَنْعَامِ بَلْ هُمْ

أَضَلُّ أَوْلَئِكَ هُمُ الْغَافِلُونَ) الأعراف: ١٧٩

☒ فنظراً لموت القلب وضعف الايمان وغلبة الهوى وزيادة غفلة الانسان ، بتلاقي البنت مش حاسة إنها بتعمل أي ذنوب ، بل بتلاقيها فرحانة وهي بتعمل الذنوب دي !! وهي دي الكارثة

والمصيبة الكبرى!!

◀ الكارثة والمصيبة الكبرى إنك تلاقي البنت وافقة قدام المراية قبل ما تنزل وفرحانة جداً

بلبسها ومكياجها وتبرجها اللي بيخليها

"ملعونة" عند ربنا والعياذ بالله !!!

الحسرة كل الحسرة ، والمصيبة كل

المصيبة لما نلاقي راحتنا في معصية الله!



- وده بيحصل لأنهم للأسف الشديد ماشيين ورا أهوائهم وشهواتهم بدون تفكير..

ودول ربنا قال عنهم :

(أَفَرَأَيْتَ مَنِ اتَّخَذَ إِلَهَهُ هَوَاهُ وَأَصْلَهُ

اللَّهُ عَلَىٰ عِلْمٍ وَحَتَمَ عَلَىٰ سَمْعِهِ وَقَلْبِهِ

وَجَعَلَ عَلَىٰ بَصَرِهِ غِشَاوَةً فَمَن يَهْدِيهِ

مِنْ بَعْدِ اللَّهِ أَفَلَا تَذَكَّرُونَ) (الجمعة: ٢٣)

يعني والعياذ بالله إنسان ماشي ورا هواه في كل

حاجة ، بغض النظر ده حرام بقى ولا حلال !!

مش فارق معاه إطلاقاً الكلام ده !!

أهم شئ شهواته ويسسس !!

◀ والنبى ﷺ حذرنا من اتباع الهوى وخطورته

وقال : (إنما أخشى عليكم شهوات الغي في

بطونكم وفروجكم ومضلات الهوى) صححه الألباني



◀ السبب إن ممكن يكون الإنسان عارف الحلال

والحرام وبيقول الأحكام وحافظها ومجرد ما

تسألها عنها يسمعهاك ، ولكن والعياذ بالله قلبه

مات واتعمى!

◀ العمى الحقيقي مش عمى

البصر ..

العمى عمى القلب والبصيرة !!

◀ قال الله تعالى :

(فَإِنَّمَا لَا تَعْمَى الْأَبْصَارُ وَلَكِن تَعْمَى

الْقُلُوبُ الَّتِي فِي الصُّدُورِ) الحج: ٤٦

☒ وطالما القلب اتعمى ، هتلاقي الانسان بيعمل

المعصية وهو ولا فارق معاه حاجة !!! ولا

حاسس إنه بيعصي ربنا ولا ندمان ولا أي شئ !!



وبدا وازع الايمان يصحى ويفوق ، ويبدأ قلبها يستشعر معاني الإيمان وعظمة ربنا سبحانه وتعالى ..

☑ وإذا استشعر القلب عظمة ربنا ، بإذن الله سيكون حائل ومانع كبير للإنسان من وقوعه في الذنوب ..

لأن من أهم الاسباب اللي بتخلي الانسان يقع في الذنوب ويتمادى في المعاصي مع معرفته بالحلال والحرام هو :

← **الجهل بمقام الله عز وجل ..**

☑ لأن اللي هيعرف ربنا بأسمائه وصفاته ويعرف عظمته وقدرته وحكمته ورحمته وعقابه وانتقامه وغيرها وغيرها من أسماء وصفات الله ، هيفكر مليون مرة قبل ما يقدم على فعل أي المعصية !!



◀ قال الإمام ابن القيم رحمه الله :

[والمؤمن لا تتم له لذة بمعصية أبداً ، فهو لا يفعلها إلا والحزن يُخالط قلبه ، وإنما هو بمنزلة السكران حال سُكره يُحطم ما بين يديه ، فإذا أفاق رأى دمه!]

◀ ابن القيم يقول إن المؤمن بيعمل المعصية وهو حزين ، قلبه مش قادر يستحمل ، بيبقى زي السكران لما بيشرّب ويسكر ويقعد يخبط ويقطع ويكسر ولما بيفوق يلاقي رأسه مفتوحه وإيده مقطوعة.. فيقول إيه ده ؟؟ ويفضل يتعذب ويتألم بما فعل وهو سكران !!!

← ولذلك، أي بنت بعد التوبة والهداية بتلاقيها بتقول لنفسها : إزاي كنت بخرج بهدوم زي دي في يوم من الأيام؟! حياي وخوفي من ربنا كانوا فين ساعتها ؟؟

◀ بتبدأ البنت تحس فعلاً بخطورة اللي كانت بتعمله ، لأن قلبها بدأ ترجعه الحياة من جديد ،



فكيها شوية

◀ " فكيها شوية " .. من أكثر الكلمات اللي بتنتقل لأي بنت بتلترم ، وعشان كده سميت الكتيب بالاسم ده

◀ وأنا عايز أقول فكيها شوية بس بمعنى ثاني

① عايز أقول لكل بنت طيبة ولكن الشيطان ضحك عليها وخلاها تبعد عن طريق ربنا وتلبس ضيق وتسمع أغاني وأفلام وتصاحب الشباب وتفرط في الصلاة وتهجر القرآن .. عايز أقولها :

← فكيها شوية وكفاية تضيبيبيبي بالمعصية على نفسك ..

← فكيها شوية وغيرى من نفسك ..

← فكيها شوية ووسعى من لبسك ..

← خليه واسع وفكي الصراع اللي جواكي ..



◀ فالبنات دول محتاجين "يعرفوا ربنا" ويدخل اليقين قلوبهم .. لأن أي بنت بتعمل كده وبتعصي ربنا، في نظرها القاصر هتضحى ليه بمتعة ملموسة عاجلة حاضرة .. علشان متعة غير ملموسة ومؤجلة ..؟؟ ولضعف إيمانها هتعتبر المتعة المؤجلة دي "غير مضمونة" فيتقع في المعصية مع معرفتها بحكمها !!



② وعابز أقول لكل بنت طيبة التزمت بحجابها الشرعي واختارت رضا ربها ، ولكن الناس بيضايقوها ومش سايبنها في حالها.. عابز أقولها:

❁ فكيها شوية ومتحزنيش ..

◀ فكيها شوية وإوعي تتأثري بكلام الناس وتخليه ينكد عليكى ..

◀ فكيها شوية وخليكي وثقة إن إنتي اللي على الحق ..

❁ فكيها شوية وإوعي تتنازلي عن دينك لو جوازك اتأخر شوية .. متخافيش ..

رزقك مكتوب .. ونصيبك هيجيلك لحد عندك .. بس شكل المواصلات زحمة حبتين :)) ..



❁ ودي شوية ردود علشان تفكيها وتردى بيها على أي حد مزعك :))

◀ **اللي يقولوك :** يا خسارة كنتي قمر !!

◀ قوليلهم : وبقيت إيه ؟؟؟ شمس ؟؟؟ ^ _ ^

◀ **اللي يقولوك :** شكل المتشددين غسلوك

دماغك !!

◀ قوليلهم:دي كانت محتاجة غسل ومكوى ^ _ ^

◀ **اللي يقولوك :** ضيعتي نفسك !!

◀ قوليلهم : متقلقوش إن شاء الله هلاقيها ^ _ ^

◀ **اللي يقولوك :** دفتني نفسك في عز شبابك !!

◀ قوليلهم : طيب البقاء لله ^ _ ^

◀ **اللي يقولوك :** هتعنسي وتقعدي جنب أمك!!

◀ قوليلهم : يعني هما اللي لابسين بناطيل

وبديهات وميني جيب معنوش ^ _ ^



❁ فكيها هتخلي حياتك ..

وهتقضي أجمل أوقاتك ..

❁ فكيها وخليكي فخوره ..

بحجابك كده ومستورة ..

❁ فكيها وأملني الكون ده نور ..

وخلي قلبك منور على طول ..

❁ فكيها وأنشري الخير ..

وكوني دائماً مثال للغير ..

❁ فكيها شوية على شباب المسلمين وراعي

مشاعرهم ..

❁ فكيها شوية على نفسك وأنقذي نفسك من

النار ..

❁ فكيها شوية !



❁ واحد بيقول لصاحبه : هي ليه البنات

الملتزمة المحترمة جوازها بيتأخر والبنات

المش محترمة بتتجاوز بسرعة ؟؟

صاحبه قاله : أكيد علشان الناس لما بيشفوا

واحدة ملتزمة ومحترمة بيقولوا ربنا يخليها

لأهلها !!

ولما بيشفوا واحدة مش محترمة بيقولوا ربنا

يبعتها ابن الحلال اللي يسترها :))) !!



توصيات

☑ وفي الختام لازم أوصيكي وأكد عليكي بالصبر والاحتساب على كلام الناس وإيذائهم ..
 ◀ طبيعي إنك ممكن تحزني وتزعلي من كلامهم وسخريتهم واستهزائهم ، لأنك بشر وعندك مشاعر وأحاسيس ..
 وربنا سبحانه وتعالى قال للنبي ﷺ :

(قَدْ نَعْلَمُ إِنَّهُ لِيَحْزُنَكَ الَّذِي يَقُولُونَ)

الأنعام: ٣٣

وقال تعالى أيضاً للنبي ﷺ :

(وَلَقَدْ نَعْلَمُ أَنَّكَ يَضِيقُ صَدْرُكَ بِمَا يَقُولُونَ)

الحجر: ٩٧

◀ ربنا بيقول للنبي ﷺ أنه يعلم ما يحدث له من ضيق صدر وحزن بسبب إيذاء الناس له ..

◀ **اللي يقولولك : احمدي ربنا إن فيه حد بيتقدمك ، حد لاقى راجل يرضي بالخيمة دي في الزمن ده !!**
 ◀ **قوايلهم: الخيمة دي مش أي حد يفوز بيها ^_^**

☛ دي بعض الردود على سبيل الدعابة ، والردود التفصيلية على كلام الناس وشبهاتهم هتكون في الكتيبات القادمة بإذن الله تعالى ..

◀ وعابيز أقول لكل بنت بعيدة عن ربنا .. لازم تعرفي إن ربنا غني عنك وعنك حجابك وعن صلاتك وصيامك وعبادتك كلها ، **الله لا تنفعه طاعة العباد .. الله لا تنفعه تقوى المتقين**

- وفي نفس الوقت لا يضره تضييعك للصلاة ولبسك الضيق ومكياجك وتبرجك ومصاحبك للولاد وكل معاصيكي .. **الله لا تضره معصية العباد .. الله عز وجل لا يضره كفر الكافر ولا فجر الفاجر ..**

☛ ولكن إنتي اللي محتاجة للطاعة في الدنيا والآخرة ، ومحتاجة لربنا في كل شيء في حياتك

◀ **فوقى واعرفي حجمك ..!!!**

واعرفي أخرتها إيه ؟؟

اعرفي إنتي عابيزة إيه من الدنيا

وعايشة إيه أصلا ؟؟

◀ **طيب إيه الحل ؟؟؟**
الحل في الآيتين اللي بعدها على طول ، قال الله:
(فَسَبِّحْ بِحَمْدِ رَبِّكَ وَكُنْ مِنَ السَّاجِدِينَ * وَاعْبُدْ رَبَّكَ حَتَّى يَأْتِيَكَ الْيَقِينُ)

الحجر: ٩٨-٩٩

ربنا بيقول للنبي ﷺ كمل طريقك وملتفتش لكلامهم وإيذائهم واشتغل بذكر الله وتحميده وتسيبجه والصلاة واصبر على الطاعة والعبادة لحد آخر نفس في عمرك

☑ **فاصبري أختي ..** وأبشري بما بشرتك به حبيبك النبي ﷺ وبما وعدك به ربك جل جلاله من الأجر والثواب العظيم على تحمل هذا الإيذاء ..

☛ ولو إنتي عابيزة تشتغلي في الدعوة ، فكلام الناس ده فرصة للدعوة على طبق من ذهب علشان تكلمهم عن ربنا وعن الطاعات والمعاصي وتتواصل معاهم وتأخدي بأيديهم لربنا ..



◀ **الصعب إنك تجاهدي نفسك وتقاومي شهواتك وتتعيبي شوية علشان تعيشي حياتك على مراد ربنا منك ..**

آه هنتعبي شوية ، ولكن هتلاقي السعادة في الدنيا والآخرة .. وعمرك ما هتندمي لحظة واحدة انك مشيتي في الطريق ده ..

✓ سببي الحرام وغيري حياتك لله .. وتأكدي إن ربنا مستحيل يضيعك ، ويفضله وكرمه ورحمته هيعينك على ترك الحرام ويطهر قلبك ..

📖 **قال التابعي الجليل أبو سليمان الداراني :**

[من صدق في ترك شهوة ،

أذهبها الله من قلبه

والله أكرم من أن يعذب قلباً ترك

شهوة لأجله]



◀ **ولازم تعرفي إن من أسهل الحاجات في الدنيا إنك تمشي في طريق الغلط ..**

سهل جداً إنك متصلّيش ..

سهل جداً إنك تلبسي كل اللي إنتي عايزاه وتحطي جميع أنواع المكياج ..

سهل جداً إنك تكلمي شباب في الجامعة أو في النت أو في الموبايل ..

سهل جداً إنك تسمعي أغاني وأفلام وتهجري القرآن ..

سهل جداً إنك تقعدي بالساعات تجيبي في سيرة دي ودي ..

سهل جداً إنك تعيشي حياتك بالشكل اللي إنتي عايزاه ..

ولكن ده طريق الضنك والههم في الدنيا والآخرة ، ونهاية الطريق ده هو **الندم** في يوم للأسف مش هينفع فيه الندم !



وللأهمية ، هدّرك بشروط الحجاب الصح اللي يرضي ربنا ..

◀◀ لابس المرأة ممكن نقسمه إلى الحجاب والجلباب ..

♥ **الحجاب** : بمفهوما هو الحاجة اللي بتغطي الرأس

♥ **والجلباب** : يعني اللبس اللي بيبقى تحت الحجاب أو اللي هو العباية بمفهوما ..

يعني مينفعش أبقي لابسه حجاب صح وجلباب مخالف أو العكس .. لازم نظبط الاتنين ...

♥ **أولاً : الحجاب :**

حجاب وaaaaaaaaاااااااااااااااااااااااااض ..

سواء إشارب كبير أو طرحة كبيرة أو خمار ..

♥ **أهم شئ يكون :**

✓ **الحجم**: لازم يغطي منطقة الصدر كلها..كلها!

✗ يعني مينفعش اسبائيش **إطلاقاً** حتى لو

مغطي الرقبة !

✓ **الشكل**: مش مثقوب ولا شفاف ولا مطرّز ..

✓ **اللون** : ألوان مش ملفته ، مينفعش يبقى ٥٠ لون في بعض ولا ألوان الطيف مع بعض ولا الكلام ده كله !



- ☑ **وتكون طويلة ومغنية قدمك** بحيث إنك لو قعدتي أو ركبتي مواصلات مفيش حاجة من جسمك تتكشف ..
- ☑ **وقماشتها طبعاً تكون سميكة مش شفاقة ..**
- ☑ **والألوان ..؟؟؟؟؟؟؟؟؟** إبسى أي لون يعجبك ، بس إبعدي عن الألوان المتداخلة في بعضها والفاقعة والمُلفتة اللي تخطف عين اللي يبصلك ..
- ☑ **وطبعا مفيش مكياج ولا برفان ..**

«وأرجع وأقول دائماً، أنا عايزك تفهمي إن الغرض من الحجاب هو "ستر الزينة" عن غير المحارم ، وعلشان كده فيه شرط مهم جداً مع كل اللي فات وهو :

☑ أن لا يكون الحجاب زينة في نفسه

لو فهمتي الشرط ده مش هتلبسي إلا اللبس الصح اللي يرضي ربنا سبحانه وتعالى ..



♥ ثانياً : العباية :

عارفه إسدال الصلاة اللي بتلبسيه زيه كده بالظبط ؛ أصلك واقفه بين إيدين ربنا في الصلاة .. وف نفس الوقت إنتي برده بين إيديه في الشارع وفي كل مكان ..
يعني ممكن عباية أو ملحفة أو إسدال ..
أو ممكن أي حاجة تانية واسعة زيهم ..

« بس أهم الشروط لأي حاجة تلبسيها :

☑ **إنها واسعة متعرفش اللي يشوفك حجم جسمك ..**
وده أهم شرط ، يعني متعرفش حد إنك تخينة ولا رفيعة .. يعني مفيش حاجة نهائياً اسمها (وسط) أو (تجسيم) للعباية أو أي لبس هتلبسيه ..!!!
ومينفعش بنظولن إطلااa



«أختي الغالية .. لناس هيحسسوكي إنك غلط ومعقدة ومش فاهمة .. إلخ !!
ف كوني مُهينة لكلام بنفس النوعية ، لأن ده الواقع بتاع الناس دلوقتني ومش هتقدر تغيره !!
☑ اللي في إيدينا إننا **نتكيف معاه ونتحدى أي موقف أو أي كلمة تؤلمنا** .. ندعي دايماً بالصبر والثبات .. ومنخليش ده يؤثر على نفسياتنا أو نظرتنا للحياة ..

« وخليكي فاكرة إنه :

« **(لا يهزم صاحب اعتقاد أبداً)**

فلو الكون كله وقف ضدك ولكنك ثابتة وعلى يقين بوعد ربك ؛ مش هيقدورا يزرحووا إيمانك ولا يأتروا فيكي مهما عملوا ..

☑ **فحددي أهدافك واجتهدي لتحقيقها وإوعي تتنازلي عنها أبداً مهما حصل**



« وإذا كان الإلتزام بشرع ربنا في زماننا بقي في نظر الناس "**جريمة**" ، فأحنا "**مجرمين مع سبق الإصرار والترصد**" !
ومستحيل هنسيب الطريق ده علشان نفوز برضا الناس ونخسر رضا رب الناس ..

أحلى حياة في طاعة الله
www.goodwayinlife.com